

Na osnovu člana 84. stav (2) Kolektivnog ugovora za djelatnost osnovnog obrazovanja u Tuzlanskom kantonu ("Službene novine Tuzlanskog kantona", br. 3/17, 7/18, 16/18, 17/18, 17/20, 22/21, 20/22, 1/23, 4/23 i 11/23), Samostalni sindikat radnika osnovnog obrazovanja i odgoja Tuzlanskog kantona, kojeg zastupa predsjednik Sumedin Kulović i Vlada Tuzlanskog kantona, koju zastupa ministar obrazovanja i nauke dr. sci. Ahmed Omerović, dana 15.02.2024. godine u Tuzli, zaključili su i potpisali

A N E K S

Kolektivnog ugovora za djelatnost osnovnog obrazovanja u Tuzlanskom kantonu

Član 1.

U Kolektivnom ugovoru za djelatnost osnovnog obrazovanja u Tuzlanskom kantonu ("Službene novine Tuzlanskog kantona", br. 3/17, 7/18, 16/18, 17/18, 17/20, 22/21, 20/22, 1/23, 4/23 i 11/23), u članu 13. iza stava (7) dodaju se novi stavovi (8) i (9) i glase:

"(8) Odredbe ovog člana primjenjuju se i na radnika koji radi u dvije ili više škola koje se finansiraju iz Budžeta Kantona, u kojima radnik radi s punim radnim vremenom, a za kojeg su direktori škola obavezni vršiti neophodne konsultacije s ciljem usaglašavanja strukture njegovog rada u okviru 40 satne radne sedmice utvrđene Pedagoškim standardima i priznavanja odnosno obračuna prekovremenog rada.

(9) Prekovremeni rad u smislu stava (8) ovog člana obračunava se procentualno radnom vremenu u tim školama."

Član 2.

U članu 17. u stavu (2) tačka d) alineja 3. mijenja se i glasi:

"3) roditelj/staratelj djeteta sa poteškoćama u razvoju, za svako dijete.....dva radna dana,".

Član 3.

U članu 22. u stavu (1) iza tačke "m" dodaje se nova tačka "n" koja glasi:

"n) posebna briga i njega o članu uže porodice sa 100% invaliditetom utvrđenim od strane nadležnog organa do sedam radnih dana."
Dosadašnje tačke m) i o) postaju tačke o) i p).

Član 4.

U članu 23. u stavu (3) u tački a) iza riječi "zemlji" dodaju se riječi "te u drugim opravdanim slučajevima".

Član 5.

U članu 26. u stavu (2) iza riječi "ginekološki pregled," dodaju se riječi "ultrazvučni pregled donjeg dijela karlice," a iza riječi "prostate," dodaju se riječi "tumor markeri i pregled fizijatra,".

Član 6.

U članu 35. stav (1) mijenja se i glasi:

„(1) Radnici u osnovnoj školi razvrstavaju se u devet platnih razreda i za svaki platni razred utvrđuje se koeficijent za obračun osnovne plate u slijedećim vrijednostima:

Platni razred:	Koeficijent:
– I platni razred	4,01
– II platni razred	3,80
– III platni razred	3,39
– IV platni razred	3,14
– V platni razred	2,89
– VI platni razred	2,46
– VII platni razred	2,26

- VIII platni razred 1,99
 - IX platni razred 1,58”
- U stavu (2) u tački d) u alineji 4. riječi ”pravne struke,” brišu se.

Član 7.

U članu 38. u stavu (1) u tački c) iza riječi “nastave” dodaju se riječi “i rad nastavnika predmetne nastave u kombinovanom odjeljenju razredne nastave”.

Iza stava (9) dodaju se novi stavovi (10) i (11) koji glase:

“(10) Za otežane uslove rada utvrđene u tačkama d), e), f), g) i i) dodaci radniku mogu iznositi maksimalno 10%.

(11) Radniku, koji radi u dvije ili više škola, a koji u smislu tačke d) i tačke i) stava (3) ovog člana ima pravo na otežane uslove rada, dodatak na plaću se obračunava na iznos osnovne plaće koju bi radnik ostvario na svom radnom mjestu sa punim radnim vremenom.”.

Član 8.

U članu 39. u stavu (4) na kraju stava briše se tačka i dodaju riječi ”, bez obzira da li se radi o osnovnom ili počasnom stručnom zvanju.”.

U stavu (5) iza riječi “radnog staža” dodaju se riječi “, od čega najmanje 15 godina”.

U stavu (6) tekst “izuzetno,” briše se a iza riječi “zvanje” dodaje se riječ “trajno”.

Član 9.

U članu 43. u stavu (2) u tački c) iza riječi “naknadu” dodaju se riječi “, koji može biti i u obliku cjenovnika isprintanog sa ovlaštene internet stranice prijevoznika”.

Iza stava (2) dodaje se novi stav (3) i glasi:

“(3) Ukoliko radnik nije u mogućnosti pribaviti dokaz iz stava (2) tačka c) ovog člana pravo na prijevoz se ostvaruje na osnovu podatka o cijeni prijevoza koji službenim putem pribavlja poslodavac.”.

Dosadašnji stavovi (3), (4), (5) i (6) postaju stavovi (4), (5), (6) i (7).

Član 10.

U članu 44. riječi “posebnim propisima” zamjenjuju se riječima “ Uredbom o naknadama troškova za službena putovanja (“Službene novine Tuzlanskog kantona”, broj: 6/19 i 9/23)”.

Član 11.

Iza člana 49. dodaje se novi član 49a. i glasi:

“Član 49a.

(Naknada povodom vjerskih praznika)

(1) Radniku osnovne škole može se isplatiti naknada povodom vjerskih praznika u iznosu najviše do 30% prosječne mjesečne neto plaće isplaćene u Federaciji prema posljednjem objavljenom podatku Federalnog zavoda za statistiku.

(2) Visinu i način isplate naknade iz stava (1) ovog člana, kao i druge neophodne uslove, utvrdit će Vlada Kantona posebnom odlukom.”.

Član 12.

U članu 52. iza stava (7) dodaje se novi stav (8) i glasi:

“(8) Radnik škole, koji bude u skladu sa zakonom privremeno suspendovan sa poslova i radnih zadataka u školi, ima pravo na naknadu plaće u iznosu od 70% svoje osnovne plaće a izuzetno, kada ima porodicu koju izdržava (supružnika i dijete/djecu), radnik škole ima pravo na naknadu plaće u iznosu od 85% od svoje osnovne plaće. Ako se utvrdi da radnik nije odgovoran za učinjenu povredu radne dužnosti niti je odgovoran za krivično djelo, koji su bili razlogom privremene suspenzije, radnik ima pravo i na druga prava po osnovu rada.”.

Član 13.

U članu 58. u stavu (2) iza tačke v) dodaju se tačke z) i x) i glase:

“z) zloupotreba i neprimjereno korištenje društvenih mreža koje dovodi do povrede dostojanstva i ugleda radnika, učenika i škole,

x) zloupotreba snimaka sa nadzornih kamera od strane radnika i menadžmenta škole,”

Dosadašnja tačka z) postaje tačka y).

Član 14.

U članu 67. u stavu (6) iza riječi “imenovan” dodaje se tekst “a lice koje obavlja poslove pravnika u Sindikatu, na period od četiri godine, oslobodit će se polovine radnog vremena,”

Stav (7) mijenja se i glasi:

“(7) Plaće, naknade plaća i pripadajuće naknade iz prethodnog stava ovog člana obračunavaju i isplaćuju škole kod kojih su predsjednik Kantonalnog odbora i pravnik Sindikata u radnom odnosu na neodređeno vrijeme i to u iznosima koje bi ostvarili da su radili.”.

Član 15.

Osnovne škole su dužne uskladiti pravilnike o radu i druga opća akta sa odredbama ovog aneksa u roku od šezdeset (60) dana od dana stupanja na snagu ovog aneksa.

Član 16.

Ovaj aneks stupa na snagu danom potpisivanja od strane ovlaštenih predstavnika ugovornih strana a primjenjivat će se od 01.04.2024. godine.

Član 17.

Ovaj aneks će biti objavljen u “Službenim novinama Tuzlanskog kantona”.

**SAMOSTALNI SINDIKAT
RADNIKA OSNOVNOG OBRAZOVANJA
I ODGOJA
TUZLANSKOG KANTONA**



Sumedin Kulović
Predsjednik
Sumedin Kulović

Broj: 02-58/24
Tuzla, 15.02.2024. godine

**BOSNA I HERCEGOVINA
Federacija Bosne i Hercegovine
TUZLANSKI KANTON
VLADA
Po ovlaštenju**

Ahmed Omerović
Ministar obrazovanja i nauke
Ahmed Omerović

Broj: 02/1-30-3098-2/24
Tuzla, 15.02.2024. godine